


Episcopus Cracoviensis.

*Biuletyni Martini: Panegyricus Celsissimo
Principi Stanislaso Dąbolski, Ep. Crac.
dedicandus etc. — 1700.*



X

P
C
I

D

I

E

A
C

In

N

P

In C

qu

Ann

116.

84.
PANEGYRICUS
CELSISSIMO PRINCIPI,
ILLVSTRISSIMO,



REVERENDISSIMO DOMINO,

D. STANISLAO
IN LUBRANIEC

DAMBSKI,

DEI, & S. Sedis Apostolicæ Gratiâ,
EPISCOPO CRACOVIENSI,
DUCI SEVERIÆ,

Almæ Vniversitatis Studij Generalis Cracoviensis,
CANCELLARIO FAVENTISSIMO,
In primo Cathedræ Episcopalis Aditu,
DEDICANDVS. 147535

Nunc, præveniente Solennem Ingressum Morte;
æternæ Tanti Principis Memoræ,
inter tristis Pompæ, feralia dona,
Posthumæ Academicæ Pietatis Obsequio,
CONSECRATVS,

^A
M. MARTINO BIELECKI,

*In Collegio Majori, eiusdem Vniversitatis Regio, & Tyliciana Elo-
quentiæ Professore, S. ANNÆ Cracov: & Tarnov: Canonico.*

Anno Verbi Æterni mortalitatem induti M. DCC. Mensis Decembris Die xvi.

CRACOVIAE, Typis UNIVERSITATIS.

NAm ita ego, à Majoribus natū accepi, neminem
posse eodem tempore, assequi & magnam famam
& magnam quietem; primumq; id boni Civis offici-
um esse, iuvare Patriam: secundum, nullum casum,
pro dignitate & libertate eius non ferendum putare:
tertium, quod primum omnium maximumq; est, vi-
tam pro ea libenter ponere: quam sæpe invitis etiam
nobis eripit febris, aut lenta eiecit tussis.

Innocentius Petricius in Princ. Pol.

FONS Sapientiæ Verbum DEI in excelsis, & INGRES-
SVS illius mandata æterna.

Ecclesiastic: Cap: I.

Dñi quoq; ut à cunctis hilari pietate colantur,
Tristitiam poni, per sua templa jubent.

Ovidius.



P



culi
riæ &
cogit
Deo
striffi
gume
Te p
soles
dexte
Tuæ
turbi
juues
fangu
fortit
no ge
temp



PANEGYRICUS.

Dexter ades, post longum seculo-
rum ambitum, Phoenix coronati
Vaveli Præsulum, CELSISSIME
PRINCEPS STANISLAE: Se-
culi desinentis perenne decus, Diadema glo-
riæ & Corona triumphalis: sequentis, augusta
cogitatio, spes, votum, immortalium pro
Deo & Regno operum, Vivum, idemq; illu-
strissimum exemplum: perpetuum laudum ar-
gumentum: excellentibus quoq; ingenijs, in
Te prædicando deficientibus; novum ipse vt
soles Phœbo melior, inspiraturus vigorem;
dexter ades. Quidni Præsuleam Dexteræ
Tuæ benedictionem, magno spei sollicitæ
turbine præstolantibus; felix adsis placidusq;
iuues & sidera Tecum dextra feras! Qui è
sanguine ingentium Heroum, affinem Superis
fortitus indolem; non potes, nisi fausta huma-
no generi velle, & præstare salutaria; aspera
temporum, cælesti quodam genio temperare.

Non tam Cognatione Sanguinis, quàm Divi-
nis virtutibus; non vt Liber, Tonantis trium-
phos: non vt Theseus, Herculis victorias &
trophæa; sed, Divi Tui & Poloniæ Patroni
STANISLAI, Vitæ sanctimoniam, Iovis Gi-
ganteo triumpho potiolem; & zelum pro Do-
mo Domini verè heroicum, ac plusquam Her-
culeum: quô non calent, qui virtutem in su-
perbia, & audaciam in contemptu Deorum
hominumq; ponunt; quando in hoc seculi an-
mundi declivio, in quo (ut aiunt) nihil recto
stet it talo, gloriosè æmularis; quidni, in exsu-
perantibus, quibus vndiq; obruimur, adver-
sis; secunda omnia, ab auspiciatissimo Ingres-
su Tuo secundus, iubeas augurari? Vera au-
guria, auspiciaq; Cælo placentia, non ex osci-
num cantu, præpetumq; volatu avium: non
ex viuacibus extorum fibris, nec ex ictu mo-
nituq; fulminum, quibus credula nimum Di-
is Gentium, vetus superstition, multum publi-
cè priuatimq; credidit; ast, ex æternum cla-
ra, Supremi conscia Numinis virtute, cuncto-
rum Genitrice Divûm & sospita mortalium,
benè feliciterq; sumuntur. Augur Apollo nu-
be candentes humeros amictus, Phæbiq; cor-
tinæ, ambagibus responsa inuoluentes; & so-
listimâ pullorum tripudia, procul à nostris ex-

este

este ominibus. Cælo geniti, aut mox splen-
dores siderum aucturi; homines, *diuites Virtute,*
pulchritudinis studium habentes; maioribus auspicijs, se-
cunda omnia & prospera trahunt secum, non
sequuntur: Vates optimi votorum securi, ex
eventu cuncta felicia augurantur: falli & fal-
lere nequeunt; cum præsto habeant certæ pro-
speritatis causam: *omnia ei adesse bona, quem penes est virtus.*

Immensa spatij volucris ævi amplitudo,
sex sæcula, solennibus non vulgaribus votis
laborarunt, ut Te aurei seculi PRÆSULEM,
tam gloriosissimo Nomine STANISLAI,
quàm omnium virtutum splendore perenni,
simillimum Divo SZCZEPANOVIO, pre-
tiosissimum Cælorum donum, Cælitus extor-
querent. Qui inter minacium aspectus di-
scordes Poli Sarmatici Astrorum, Coronato
Serenissimo AUGUSTO II. Rege Poloniarū
Invictissimo; placido decentem præferens re-
verentiam vultu; secula ferrea clauderes, au-
rea inciperes. Magna dare, diu Superi diffe-
runt, ut sincerius poscere doceant; probatâq;
constantia petentium, diuturnam sollicitudi-
nem & desideriorum longa fastidia, magni-
tudine muneris compensent. Perderent gra-
tiam & æstimationem, inusitata quantumvis
Cælituum munera, præstantium cumulum bo-

norum terris invehentia; si vulgari forte, & continuo proventu, non per longa interval- la ac spiramenta temporum, contingerent. Longæ moræ, sint alijs tormenta; nobis com- moda magna ferunt. Qui hæcenus, Annum hunc Gratiarum Sanctum, Orbi Christiano velocibus horis, currere à longe tantum au- divimus; modò primùm Vavelano vertici, Tecum pleno Indulgentiarum lumine illuxis- se videmus gaudemusq; Tu, novum Sidus, alto Diœcesis Cracoviensis Cælo, faustum exoriris; signa minora, quæ Te gratis animo- rum vocibus, & ternis Coronarum Insigni- bus, coronant, irradiaturum; serenaturum, il- lam pectorum plagam, quam magni Decesso- ris Tui JOANNIS MALACHOVII, inevi- tabile fatum feralibus involuerat umbris. FA- SCIA illa Gratiarum gemmea, fatorum im- perio soluta, postquam in lacteum Orbem splendidiſſimo candore collucentem abiit; nobis illico atræ noctis incubuit conticinium.

At funesto silentio torpere, mæroreq; con- sumi, per altissimam DEI bonitatem non diu licuit: parentales illas ymbras, subito exortu, prænuntia auspicae Nominationis Tuæ ma- ior lux abripuit, depulitq; iusti doloris sen- sum, dulcissima novæ lætitiæ tempestas ab-

ſorſit

forpsit; docuitq; propalam: nullum magnum
gaudium, nisi ex ingentibus malis provenire.
Sol tum jam Erigonen in augusto subierat,
quum Te Serenissimus AUGVSTVS II.
quinto isti Sacrorum Imperio destinaret. Sa-
ne dextro fidere, quia in signo Regalis Sacer-
dotij; vberrimam gaudiorū messem, Tecum
venturam; quā hodie abundē ditamur; non in
vanum prælagiens. Eadem immensi lux pu-
blica mundi, præsultante brumæ autumnī fri-
gore; quum Te Auspicibus VENCESLAO
& STANISLAO Divis, inter Illustrissimos
Purpuratosq; Splendores, Cathedræ Ponti-
ficiæ inaugurat; cæptum in augusto felicitatis
nostræ diluculum, meridianis ignibus accen-
dit. Nempe in hoc PRÆSVLEI honoris Apo-
gæo, Pastoralī vigilantia, bonitate, & Pru-
dentia præradiantibus, Sedes Tua illuminabi-
tur, sicut dies Cæli, & tenebræ vitiorum pe-
nitus tollentur. Ver almæ faustitatis purpu-
reum, virtutum divitem continuabit autu-
mnum. Nemo hybernos adversorum quere-
tur aquilones, Gratiâ Tuâ fovente: nemo no-
xios Sirij æstus, sentiet; Gentilitiâ Tuâ PINV,
triumphalium prodigâ decorum, præbente te-
gimen ardoris, & vmbra culum Meridiani.

*Flumina iam lactis, iam flumina nectaris ibunt,
Flauaq; de viridi stillabunt ilice mella.*

Hæc, cum divinat animus, iam ante sublimem
laudum Tuarum Olympum, pedestri lituo
contingere ausus; ire iterum in plausus, Aca-
demicæ Venerationis interprete iubeor, & sum-
mum gloriæ Tuæ Zenith; radio describere.
Non necto moras, pulcherrimi cuiusq; ope-
ris comites; apicem felicitatis habiturus, si le-
nioribus clementiæ Tuæ flammis, ambustus
felicior Phæton; immensum virtutum & me-
ritorum decidens in Oceanum, splendorem
Patrocini PRÆSVLEI, Palladi lagellonicæ
affulgentem inveniam. Iam cado, fer opem
Optime PONTIFEX ---- dextrisq; profundum

Alitibus prætexe diem.

Non est hic casus, ad Icariam ruinam vel
ignominiam, vitreo daturus nomina ponto:
nec infido vitreæ fortunæ salo, mediæ carina
ingenij committitur: nec Cælestis Erydani vi-
olentior amnis, maiora viribus audenti, acer-
ba funera purpureis minatur in vndis. Ut be-
atior redirem, me iactu spontaneo dedi æ-
quor in altum, auri, purpuræ, gemmarumq;
feracissimum. quod non arbiter vndarum Cy-
lennius, placidum simulando vultum, falla-
cibus austris permisceat: quod non Lunæ fi-
dus, varium & mutabile semper, alternis vi-
cibus

cibus crescere & decrescere faciât: quod non
Æolijs dissidiorum freta procellis, soror To-
nantis perturbet. Æquor placidum & tran-
quillum, nisi quis, in adverso publicæ felicitati
littore, Æolus insanis statuât certamina ven-
tis. Tunc enim simillimam pelagi, & ingen-
tis animi indolem comperiet: illud non nisi
rigidis Aquilonibus, & insolenti Africo, tri-
stiq; nubium fragore concitatum, celata ma-
gni pretij munera pandit: hic non nisi crudis
& infaustis bono publico casibus, summoq;
laudum incensus amore; heroica magnarum
Virtutum documenta prodit: quæ imitari æ-
mulariq; omnes boni aueant, nemini æquis
passibus assequi, liceat. Quis DEVS, immensi
istius præclarè factorum maris, per ora auresq;
hominum veniat? non me profanus Vates in-
terroget. Gentilitia Optimi PRÆSVLIS
Arbor, eadem Argo, aureo libertatis Polonæ
vellere felix; eadem ipsa malus, illustribus Ar-
gonautis, responsa & Oracula promens; ter-
no conspicua vertice, fabulosum cum Tri-
dente respuit Neptunum, nec admittit Nere-
um. Vni in TRINITATE DEO confisa,
absq; Iunonis infestæ odijs, maria omnia Cœ-
lo miscet: id est ardua, ac formidolosis pro
egregio publico temporibus, fortiter ac glo-

riosè acta opera; supernis favoribus refert.
Vastum gloriæ Tuæ, Magne ANTISTES
Oceanum, cuius placidis obruor fluctibus;
tanquàm pellucidam aquarum, quæ super Cœ-
los sunt congregationem, ita acclinis circum-
spicio; vt in ea simul Virtutum Tuarum, pu-
rissimâ excelsæ mentis crystallo prænitenti-
um, Cœlum CrySTALLINUM advenerer. Alti
& pervetusti Sanguinis mare purpureum,
continuis illustrium gestorum Etesijs tem-
peratum, maioribusq; Erythræo magnarum
animarum pretijs fortunatum, ita admiratore
animo contemplor; vt simul, novum in me-
dio aquarum Firmamentum fieri credam &
mirari debeam.

A liquidi elementi tropo, ad solidos & pe-
rennes Cælorum fulgores, cæptæ laudationis
tenorem, non incongruâ translatione confe-
ro. Non sum nescius, in ipsis nascentis mun-
di incunabulis, supremum rerum omnium
Artificem Deum; è fluxa aquarum natura, fir-
mam & stabilem, Cælorum Substantiam, &
adamantinum illud lucidi Firmamenti robur,
majestatemq; stellis diversarum magnitudi-
num, velut gemmis & vnionibus præradian-
tem produxisse. Idæas quondam PINVS,
magni Anchisiadæ classem, dum ferro flam-

mâq;

mâq;
Cybe
phas
maxi
germ
mi G
postq
rum v
noru
præb
ramo
rà her
ctori
Hac
se lov
trium
ci po
osæ A
mam
umph
ut vo
fimar
ram p
Polo
mam
J
diona

mâq; Rutulorum premerentur; in gratiam
Cybeles, summi beneficio Iovis, in Nym-
phas Deasq; maris converſas; ingenioſum
maximi Vatis commentum eſt. Hoc verò,
germanam veritatis ſpeciem habet; fortiſſi-
mi GODZIEMBÆ Bellatoris PINUM,
poſtquam evulſa humo, fulgentium armo-
rum vicem ſubijt; & magnæ in rebus Polo-
norum inclinatis, victoriæ felix auſpici-
um præbuit; in aſtra creviſſe: nec iam ampliùs
ramos & folia, ſed primæ magnitudinis fide-
râ heroum; nec alios fructus, quàm lauros; vi-
ctori tenebrarum Soli dicatas; producere.
Hac ille clavâ Sarmaticus Alcides, dignum
ſe Iove, dignum Cœlo probavit. Hoc trino
triumphali Culmine, nutantia Cœli Sarmati-
ci pondera, Atlas ille ſuſtinuit. Hoc Victori-
osæ Arboris trophæo, inclytæ Gentis ſuæ fa-
mam, æquavit Olympo: hoc nobili novi tri-
umphi Ferculo, Superùm clementiam flexit;
ut votis ſubſcriberent fata ſecundis; Celfiſ-
ſimam GODZIEMBARVM Domum, futu-
ram perennium, Patriam ſedemq; Luminum;
Polonæ Libertatis ac fauſtitatis robur & fir-
mamentum: Sanctiorem Virtutum Olympū.

Inter perpetuos Conſtellationum meri-
dionalium ignes, lucidū Lupi ſidus, Aræ Cæ-

lesti proximum, sublimis astrorum scientia
advertit. At fidere pulchrior omni, in Plo-
censi Cathedra, Præsuleis curis & Virtutibus,
refulsit LV PVS GODZIEMBA. Auream
Persei stellam, illustrius refert, FELIX PA-
NIEWSKI GODZIEMBA; cui, inter geni-
ales nuptiarum cum Regio Sanguine tædas;
augusta MATHIÆ Regis Hungariæ Trabea,
non finè illius prævio meritorum fulgore;
purpureum iubar accendit. Qui glorioso
Nominis sui omine, ubiq; armorum victor;
prius in Pannonia, deinde in Polonia, summa
imperia bellica, clavamq; Ducalem, Victo-
rijs & triumphis coronavit. Primæ magnitu-
dinis fidera, collecto à sex sæculis, Clarissimo-
rum decore Luminum; in hoc avitæ gloriæ
firmamento, altum præradiant DAMBSCIJ
& LVBRANSCIJ. Vnum Genus illis, eadem
lucis nativæ germina; licet geminari videan-
tur, vt ampliùs niteant. Idem, in Serenissi-
ma Republica Polona, summis Virtutibus,
summis honoribus, semper conspicui; con-
tinuâ purpuratorum Auorum serie, summaq;
claritudine; vnum quoddam immensum ful-
gorum constituunt; licet distantes cognomi-
ne appareant. Meridionales & Septétriona-
les coronæ, qua parte cæli micant; quantum
lumi-

lum
tātū
SNA
Sacr
nāru
rona
strat
luda
gilla
le; i
rum
diq;
hoc
losas
proc
aspe
hīc c
quid
Princ
MUM
DAN
Fulg
dit. T
num,
Solen
prim
lumin

luminis, Regiæ stellantis Olympi adaugent;
tâtum illos, TIARÆ VLADISLAVIENSES, PO-
SNANIENSES, PLOCENSES adornant: quorum
Sacratos Vertices, dignissimè omnium coro-
nârunt: fulgidis invicē eorum Virtutibus co-
ronatæ. Maiorum Minorumq; Insignia Magi-
stratuū, in hac Domo, perpetua; Trabeas, Pa-
ludamenta, Laticlavias, Curules, Vexilla, Si-
gilla, Præfecturas, Caduceos, enumerare vel-
le; idem esset ac stellas numerare posse; qua-
rum certitudo numeri, non dum adhuc vn-
diq;, ipsis astrorū peritis constitit. Nemo, in
hoc nitidissimo omnis lucidi profundo; nebu-
losas, nemo obscuriores stellas requirat, nec
prodigiale sonâtes; vnde faustos & salutare
aspectus, terra Polona experitur. Maiorum
hîc duntaxat, alma coniunctio ignium; &
quidquid vetustissimo, Sanguinis, Virtutis, &
Principalis fortunæ Splendore ILLUSTRIS-
SIMUM suo fixum Polo, Polonia habet; hoc totū
DAMBSCIANIS & LVBRANSCIANIS
Fulgoribus; cum flammeo connubiali acce-
dit. Tantorū Tu Summus Moderator Lumi-
num, Celsissime PRINCEPS: Te hæc, suum
Solem, Sidera nôrunt & venerâtur; quorum
primam licet magnitudinem; ita, vt Sol fons
luminis, omne lucidum; absorbes. Tu, cum

Illustrissimo, & Excellentissimo Germano
Tuo, SIGISMUNDO DAMBSKI, Palati-
no Brestensi Kuiaviensi, tam immensæ lu-
cis Aux trabeata: Signum celsi radiatum Po-
li: immortalis gloriæ,

Axis inocciduus geminâ clarissimus Arcto.

Magnificentiæ studio, multas illustres
Familias, olim collapsas legimus; & hodie
collabi spectamus. Tua Domus, in solido
cœptæ magnitudinis consistens, per magni-
ficentissima opera, Cælo viciniùs assurgit.
Cui ad supera alta, stabilemque celsitudinem,
æmula supernæ Hierusalem, septem & quin-
quaginta templa; præbent scalam, & æthe-
reos moliuntur gradus. Quæ, rarâ & splen-
didâ liberalitate, MARTINVS LVBRAN-
SKI, Episcopus olim Polnaniensis, & Vratista-
viensis erexit: firmiora Palladio, & Vestali-
bus focis, secreta imperij pignora; in quibus,
ad simulacrum cælestium siderum, custos
Regnorum, suæque Familiæ, flamma vigilaret.
Hæc demum bonorum Antistitum præroga-
tiva est, hic immortalitatis titulus, amplissi-
mas Ecclesiarum dotes; earumque incremen-
tis & ornamentis impendere. Hac arte, hu-
manis rebus, Divorum favor quæritur: hoc
Congiario, & largitione, cælestia suffragia

emen-

emendicantur; vt publicè privatimq; profint. Per superba Crassorum edulia, & splendidas Lucullorum cænas, luxusq; Antoniorum exitiosos; aura popularis paratur, turba clientum emitur; ast DEVS offenditur: census quantumvis magnus minuitur, mala publica augentur. Potior Divinorum cura, ritusq; Sacrorum; tollunt privatam luxuriam, quæ multos specie Virtutis deceptos, in egestatem cogit; publicam magnificentiam attollunt. Ambitus & luxus, transverso dubiam Curionum mentem torrente, abripiant à recto; cogantq; Libertatem Patriæ, & Legum præsidia vendere, Gallorum spolijs & Cæsaris auro. Non est Liberrimæ Reipublicæ Polonæ; opum metuenda facultas LVBRANSCII Posnaniensis Palatini: Vincet amor Patriæ VINCENTIVM, suadebitq; vim benefaciendi & imperium, cum Fratre ANTISTITE, salva vtrinq; pietate, partiri. Ille Hæreditatem Christi, redditusq; Præsuleos, augendo cultui orthodoxæ Religionis impendit: Iste, Rempublicam Polonam, multarum villarum hæredem, primus iure Ordinationis, evincet. Primum ingeniosi in Patriam amoris, documentum; tantò magnificentius, ad imitandum posteritati transcri-

bens; quântò maior affectuum Paternorum
victor; geminum Pollucem suum, Alterum
Regni PROCANCELLARIUM, Alterum
CASTELLANUM BRESTENSEM, CV-
IAVIENSEM docuit; Patriæ quæ genuisset,
ne dum fortunas, sed vitam & sanguinem
impendi debere: eum quoq; in commune de-
cus, non suum, oportere niti; qui publicâ
dignitate emeretur. Non enim aliud certi-
us argumentum est, stare diu, & florere egre-
giè, fortunam magnæ Domus; quàm si æter-
næ Reipublicæ, impensius studeat prodesse;
& bonis temporalibus & meritis immortali-
bus: quæ nec veræ gloriæ censum, nec im-
mortalitatis privilegium vendicarent; nisi
publicæ felicitati allaborarent.

Pandite iam Heliconæ Deæ, & quæ lau-
dum præconia, partitim alijs ingeritis, can-
tusq; singulos movetis; hîc totum atq; inte-
grum plaudendi vigorem, resumite: vbi ma-
ximum Literarum negotium, pulchra æmu-
lationis gloria peragit; gemmea Gratiarum
Coronis, pretiosissimus ingeniorû Vnio, Ti-
aratum, eruditarum mentium Fastigium, IO-
ANNES LVBRANSKI. Hic noster Apol-
lo, Philosophicam Lauream, erudita circum
tempora, sibi virere gavisus; INFVLÆ

Posna-

Posnaniensis Coronamentū accepit. Altiùs
ille cogitans, & sapienter expendēs; nec Ec-
clesiarum sacra adyta decorem, nec Immu-
nitates Ecclesiasticas tutelā, nec Patriæ Per-
gama, tutam ac integram felicitatem habi-
tura; nisi bonarum Artium florens Studium,
lumen, præsidiumve succurrat: eò heroicæ
Munificentiae ingenium intendit, vt Acade-
mici Studij in Orbe Polono Generalis, am-
plitudinem, Posnam vsq; extenderet. Non
Ætolicas manubias cum Fulvio; sed innocu-
as opes, nullo profano fænore, nulloq; censu
iniquo pallentes; ne Plutonis compedes, aut
iniuriæ pignora, vocarentur; Latinis Musis
dicavit: erexitq; ad Basilicam Ecclesiæ Ca-
thedralis Posnaniensis Majestatem, Tem-
plum Musarum: cui pro Lauro Apollinari,
triumphalium ferax Laurearum, Gentilitia
sua PINVS, semper vireret: & sonantia rapidi
Vartæ fluenta, Castalium fontem exhibe-
rent. Actum hoc præclarè, more veteris
Romæ solenni; vbi prope Ædem Virtutis &
Honoris, sacro fonti Camænarum, religio ad-
vertebatur: luculento præcavens monimen-
to; iter ad capeffendos honores, plerūq; Li-
teris promoveri; & tam prima virtutum ru-
dimenta, quàm insignia incrementa, à do-
ctrinarum magisterio procedere.

Cedant

Cedant fabulosa Græcorum Charites,
veris LVBRANSCIANIS Gratijs, tripartito
benefaciendi genere; in Ecclesiam, Patriam,
& Magistram Sedemq; Studiorum Regni A-
cademiam, gloriosè admodum certantibus.
Quarum accepta fideribus munera, cum an-
tè, in simili argumento, rudis adhuc laudator,
priscae Quiritiù magnificentia, prætulissem;
nunc sacro silentio, venerari potius eligerem;
quàm mortali facundia, temerare immorta-
lia: nisi divisa inter Tres, maxima Cœlestis
beneficentia gloria, in Te collecta CEL-
SISSIME PRINCEPS, Vni Tibi sum-
mum decus, & maius humano, elogium ac-
quirat. Vnde, hoc trinum perfectum, in
gloriosissimis Tuis operibus, publicâ celebri-
tate acclamatum; liceat paulisper admirari,
& illo, in Te celebrando, vti compendio lau-
dum; quo æterna Immensitas gaudet. Quid
verò, Studiorumne Sapientia amorem, favo-
remq; perpetuum ac æstimationem; prius mi-
rer? an in conservandis Patrijs legibus & Li-
bertate vindicanda; Magnanimitatem, Pru-
dentiam, Autoritatem, Fidem illibatam, bo-
no publico consulendi, vim dexterrimam &
felicitatem? an deniq; Ecclesiae DEI erectam
cœlitus in Tuo magnanimo pectore, aure-

am Co-

am, Columnam murum adamantinum, & in-
expugnabile propugnaculum, dubitare co-
gor? Cæterum vt olim, Divinis rebus ope-
rantes, in eam Cæli plagam, oculos conver-
tere, solenne habebant; à qua oritur lux diei;
ita mihi, Te annuente, consilium est; spem,
rationemq; Literarum, in Te hac tempestate
sitam; prius laude afficere: vnde profuturus,
magno Religionis Orthodoxæ, & Reipubli-
cæ Christianæ bono splendor emerfit.

Delphos, Cyrrhamq;, Clariumq;, non
petat missus sciscitatum oracula, Divinæ hu-
manæq; Sapientiæ; verum à Tuo sacro ac
venerabili Ore, attonitus pendeat; quo Divi-
na ac Politica responsa pandis. Ad cuius ad-
venientis, discensiq;, reverendum in iuvene
admodum animi Senaculum; Phæbea Tem-
pla moveri, & tremere visa repente; Lauri,
liminaq; DEI. Arcanum Divinæ cuiusdam
& excellæ mentis, augustiore vultu interpre-
tante; summa omnia, de Te augurandi, præ-
dicendiq; Sūmatibus eruditorum, pulchrum
certamen erat. In lubrico florentis ætatis
ludo, nihil ludicrum, nihil humile; omnia se-
ria, solida, & præclara, spirare, dicere, & au-
dire; modumq; ex sapientia, quod est difficil-
limum, tenere; solitum Tibi, ac prorsus à na-

tura feliciore inditum videbatur. Ita Virtute duce, comite doctrinâ iniunctum; discen-
tibus immensum ad similia calcar addere, do-
centibus in delicio, admiratione; tantum non
in magisterio esse: nunquam sine Iove Apolli-
ni sacra facere, semper Musis amicas appli-
care virtutes. Profectò, iam tunc conspicu-
us, præsentium temporum moderator desti-
nabaris, quibus, iam prope illa ominosi mali
Illias, evolvitur; qualẽ Romanus Sapiens, flu-
entibus in deterius, summi Imperij rebus, in-
gruisse queritur: *Vt omnium rerum (inquit) sic Litera-
rum quoq; intemperantiã laboramus, nec vita, sed Schola discimus.*
Noxiam hanc intemperiem, plus scire velle,
quàm satis sit, exosus; illam Sapientiæ partẽ,
toto pectore amplexus es; quæ Te salutarem
Patriæ Civem, & Prudentissimũ Senatorem;
quæ Optimum Ecclesiæ Pontificem; in nor-
mam & exemplum, cæterorũ formaret. Nul-
lum equidem diem lætiores fulsisse, Illustris-
simo PARENTI Tuo, summarum in Repu-
blica Partium Senatori, offensionum pro uti-
litate communi impavido, nec quo Latus cla-
vus, aut Castellanalıs Purpuræ Insigne, fami-
liaria Domus suæ Decora, magnis meritis ob-
tigissent; quàm eum, quo Te, ex indole, altæ
mentis celsitudine, morum gravitate, & li-
bertate

bertate sentiendi quæ velles; & quæ sentire
dicendi; cognovit, ante Togam Virilem; pa-
rem futurum maximis, & vbi munere Di-
vum maturuisses, summis non minorem: qui
magnorum Avorum Atauorumq; gloriam,
non tantum æquare, sed superare posses.

Altiolem summi Parentis sensum, claris
tantæ excellentiæ indicijs, infallibilem fidu-
ciam ingredientibus, innixum; non vanis Ha-
ruspicum aut Coniectorum interpretationi-
bus incitatum; caput Orbis terrarum & so-
lium Fidei, in quo augustius Sapiencia re-
gnat, cos ingeniorum, & maxima crisis, RO-
MA probavit. Vidit illa in aurora annorum,
magnum illuminatissimi Tui iudicij diem;
quem Sol scientiarum Theologia, serenissi-
mo Virtutum meridie; non sine Cynosura Iu-
risprudentiæ, accendebat. Perspexit, quan-
tum rebelles vero lumini, hæresum umbras
dispuncturus, & fulmine Sapienciæ perculsu-
rus, parabaris. Jam tunc Romanis Arcibus,
spondebat Te magnum PRÆSULEM, celsi-
nitor igneus oris: iam tum eruditorum consen-
sus vates optimus; in Tuum dignum coro-
nis Verticem, lucidum INFULARVM; ve-
lut stellarum agmen cogeabat; Purpureumq;
lubar, à Senatorijs Dibaphis promittebat.

Quorundam eô commeantium, diversus à
Tuo eventus; alia fors, spes sæpe elusæ, vo-
torum deceptio: quia non eadem Tecum,
recti honestiq; contentio. Alijs Prænestinæ
deliciæ, vt Capua Annibali factæ: alij dum
ad Pontem Milvium, Neronis illecebris ce-
lebrem, hære & genio indulgere, fructum
peregrinationis præcipuum arbitrantur: heu
diversi à Coclite! non Tyberis, sed illecebra-
rum alveo, inglorij merguntur: vel incauti
laqueum incurrunt erroris & ignominia;
quamvis miluo & accipitri, rete non tendi-
tur. Alius dum non horret aspectum Medu-
sæ, ad Capitolij immobile saxum plerumq;
obriguit: alius inter admiranda Romæ vete-
ris rudera, dum ventos tantum pascit, & ocu-
los imagine inani; non animum serijs & ho-
nestis actionibus intendit; rudis bonarum
Artium:

Romæ Tybur amat, ventosus Tybure Romam.
At Tibi ô PRINCEPS, ROMA, eruendorum,
ex antiquitatis sacrarijs, maximi Imperij ar-
canorum, atq; ingentium circa Divinas, hu-
manasq; res moliminum; MORA fuit: RO-
MA, Tibi AMOR Divinorum, & Studiorum
causas modosq;, seu in Statu Ecclesiastico,
seu Politico egregiè decorèq; versandi; do-

centium. Nullæ Tibi Romanæ deliciae aliæ
succurrebant, noscebanturq; quàm doctissi-
morum præceptis & consilijs interesse; in e-
orum confortio ac comitatu perpetuò ver-
sari; reconditos omnis masculæ eruditionis
sensus, proponere; aut propositos ingeniosè
ac sapienter resolvere: identidem Tecum
piâ mente agitare; in illa benedicta Terra,
copioso Martyrum Sanguine fœcundata; in
illo Christianæ Religionis Apice; quidquid
contingeres, vel calcares; Laurum esse, San-
ctorum Martyrum pugnīs, victorijs, trium-
phis, & innumeris opprobriorum ac tormen-
torum nominibus, omni profano, acto tri-
umpho potioribus; nobilem: per eiusmodi
Sanctitatis processus, Tibi ad Sancta San-
ctorum, aditum patefacere. Illa ipsa stupen-
da, imperiosæ Urbis cadavera, admirabili-
um operum fragmenta, & ruinarum ruinas;
extremas Romanæ Maiestatis lacinias, consi-
derans; benè ac sapienter censueras: nihil in
rebus humanis, etiam altissimo subiectis fa-
stigio; firmum esse ac stabile: nihil à vetusta-
te, casibusq; tutum: omnia cum ad summum
venère, labi; & rarò in pristinum, vnde ce-
cidère, culmen; relapsa referri. Sola perpe-
tuo manere Virtutis & Sapientiæ, præclara

facinora; solā nobis dum vivimus, gloriam
& honorem; dum desinimus, immortalita-
tem vendicare.

Hæc eminentia in vtraq; fortuna, bona;
cū, felicissimo Naturæ Tuæ Genio debe-
as; nec inconvenienter ducibus nutricibusq;
Tuis, Literis attribuas; non miror Literas Ti-
bi cordi esse, Lateri Tuo, semper viros eru-
ditos hære, cum illis diem partiri, de rebus
magnis & serijs discurrere; nec pietatis exer-
citia deserere. Non miror novās Sedes &
augustalia, à palmaribus munificentia Tuæ
vestigijs, ijsdem surgere; quandoquidem non
ignoro, in cultissimo pectore Tuo, Musas
cum Apolline, gratiores, quàm in Pyrrhi an-
nulo, sedem fixisse. Imò exinde, novæ felici-
tatis nostræ, Tecum venientis; quam capere
nequeo, mensuram certumq; argumentum,
conijcio. Quātis Tu CELSISSIME PRIN-
CEPS bonis! quantis gaudijs! Literatos Di-
vi Iagelonis Penates, primævam Regni Scho-
lam, Academiam Cracoviensem, CELSIS-
SIMO SANGVINI Tuo, semper dilectam
& fidissimam; aucturus cumulaturusq; adve-
nis: postquàm, lumine iam propiore, Numi-
nis Tui præsentis & patrocinantis, dignanter
afflabis; quàm pridem à longe, propitio, ac

vere

verè LVBRANSCIANO Sidere, foverè & illuminare; inter præcipua laudum Tuarum, decrevisti. Senium illius finè ruga, nivibus mentium candet; sed & recentibus semper Laureis vernat: nunquam effætum, semper fecundum. Cæterum, igneum iuventutis vigorem, assumere gestit, sub triumphali Tegmine PONTIFICIÆ PINI; immortalibus gestis plantatæ in Domo Domini: iamq; inter gemmeos Trium Vaveli Coronarum nitores, eminentis. Quæ REGES AUGUSTOS, inter fulmina tonitruumq; fragores, dum tranquillè secureq; coronat; an non Regias Cracij Academi Camænas, Coronâ anni benignitatis redimiet? & ampliùs, non aliter quàm sua Laurea Phœbo virebit; in munimen & protectionem?

Sed me Parnassi per ardua, forsan dulcis abduxit amor, à regione viæ? minimè verò: rectà, longum dicenti protenditur iter; at sive navibus, sive equis persequi velim; mille discriminibus, nunc latentibus, nunc manifestis horrendum; Orationem moratur, dum cogitationem percellit. Hoc, Tu Magnæ ANTISTES, geminatis Ecclesiæ & Patriæ auspicijs; fortiter pergere aggressus; quia gloriosè vsq; ad palmam superaveris

confecerisq; nec mihi indecorum erit, fa-
ventes DIVOS Tuos sequenti; palmaria ve-
stigia, quæ adamante & auro exprimere non
opis est nostræ; umbratili stylo signare. Atq;,
prout viam capeflentibus, multa moram &
difficultatem obijciunt; interdum aspera iu-
ga montium, angustæ fauces; interdum palu-
stria & vliginosa locorum; horrida nemo-
rum; periculosi anfractus, & vndosi vorti-
ces fluminum: interdum scopuli marium,
Symplegades & Acroceraunia; ita mihi, in-
festa Regni omnia, ambigua, titubantia, lu-
brica, procellosa, recolligenti; multa, ex his
iustæ formidinis imago, animo trepidanti oc-
cursat: quæ, Tibi in ardua tendenti, inusita-
ta Virtute, in, tutum, solidum, & tranquillū
rediēre: primaq; præcelsæ Indolis, per talia,
inoffensos intrepidolq; cursus; ad summa o-
mnia in Ecclesia & Republica, vrgentis; ex-
perimenta fuēre. Horribilem illum, ad ob-
ruendam Poloniam, vndiq; ingruentium bel-
lorum cataclysmum; & tanquam magnum,
omnium in circuitu malorū Oceanum; Sar-
maticis hisce oris superinfusum; demersu-
rumq; profundo, Laureatam semper Reipu-
blicæ Polonæ classem; nisi, eminentissimam
super hæc omnia, fortissimorum, Moderato-
rum Io-

rum
DO
dum
liud
fatal
cenc
bert
lion
inue
bon
non
mag
cerd
citu
offer
vatri
luris
tis S
cend
tate
F
dine
Divi
um, p
lerrin
nij ro
mora

rum JOANNIS CASIMIRI REGIS, & LV-
DOVICÆ REGINÆ fortunam veheret;
dum totis artubus tremens cogito; dumq; a-
liud, interno à viscere validius ad ruinam;
fatale dissidiorum Civilium, armorumq; in-
cendium, vindice, hinc Majestatis, inde Li-
bertatis flammâ, excitatū, rememoro; Deucā-
lionis, aut Phaëtontis fatum, neu hodie ipse
inueniam; vehementer metuo. Quod Dij
boni à Polonia averterūt, Tuq; avertendi,
non vltimum momentum eras. Idem enim
magnus, & vitæ sanctimoniâ conspicuus Sa-
cerdos; placationis hostiam, Domino Exer-
cituum, pro tranquillandis Rebus Polonis;
offerebas: Idem iustitiæ Regnorum conser-
vatricis summas partes, & supremi fastigia
Iuris; in Augusto Regni Tribunali, Liberta-
tis Sacrario, miserorum asylo; tuebaris, di-
cendi maiestate, animi magnitudine, integri-
tate iudicandi.

His affatim gloriosis initijs, in teneritu-
dine annorum, consumatum, non tenerum,
Divinarum humanarumq; legum patrocini-
um, palam exhibuisti; in florētibus annis, ce-
lerrimum alti iudicij senium, & Virile inge-
nij robur, Tiarato Honore coronandū. Nec
mora, maiora merentem tenuit: purpuream

velut auroræ surgentis facem, ad maximæ
lucis, in quam luculentis indicijs parabaris,
augem; prætulit INFVLA CHELMENSIS:
quæ Te Sponso suo ornata, augustiorem de-
corem induit & fortitudinem; amictaq; lu-
mine Virtutum Tuarum, sicut vestimento;
contra offusam tenebrarū inferni caliginem,
gloriosè certavit. Collectus ille, ex tot au-
gustis Serenitatibus Cæsarum, Regum, Prin-
cipum, Ducum, Corybutheus Splendor; in
nativo quidem Paterni Materniq; Luminis
fonte immēsus, sed in Regali Solio, modicum
fulgens, MICHAEL I. Poloniae REX: cum
Divi MICHAELIS, Cœlestis Militiæ Archi-
ducis, rebellium DEO Spirituum, vltoris ac
vindicis, Tutelari auxilio auspicioq;, pertur-
batum civilibus discordijs, Regnum compo-
neret; trepidā, inter coortos motus, Throni
Majestatem firmaret: noctemq; illorum tem-
porum funestam, in scelus civile erupturam,
Regio Sidere serenaret; triumphalibus Ter-
geminæ Crucis Gentilitiæ, Signis, pacem &
malatiam, contra luctantibus ventis impera-
ret: triplicem quoq; consiliorum funiculum,
qui difficilè rumpitur; in Tergemino Genti-
litiæ Tuæ PINI Vertice, invenit laudavitq;
Nempe illi constitit, nobilem triumphis GO-

DZIEM-

DZIEMBARVM Arborem, non aliter in de-
cus tutamenq; , Regum & Regni Poloniae;
quàm vt sacrum Ancile, Vrbi Gentibus im-
peraturæ; Cœlo demissam ab alto.

Volvi fatis etiam sidera, luctuosus Rega-
lis Cynthiæ occasus docuit. Oritura hæc
pulchrius Cœlo, terris deficere debuit; vlti-
mo tamen prospero lumine, Signa Regia,
Turcarum minantia Signis; & bellatrices Po-
lonæ Militiæ Aquilas respiciens; simul, oppo-
situm sidus Thracium, agmenq; adversum;
ingentis cladis umbris involvit: simul Sere-
nissimo olim JOANNI III. triumphalibus
flammis, signavit viam ad Coronam. Cessit
hoc in gloriam liberrimæ Gentis, quòd eum,
fatis cedente Rege, regnare vellet; qui, au-
spicijs Regis & Regni, fortiter & gloriosè,
pugnavit & vicit. Congruum erat, vt illa
secundæ Chotimicæ Victoriæ Laurea, quæ,
reduci in Patriam Heroum triumphanti Re-
gi, via lactea extitit: Invictissimo Exercitu-
um Regni Imperatori, auspex Imperij Sar-
matici, extaret. Quanquam illa pugna & vin-
cendi ratio, liberè sentientium, liberisq; suf-
fragijs, Regem sibi legentium animorum;
difficilior quandoq; in Electorali cum libe-
ris Civibus, quàm in Martis Campo, cum ho-

stibus. Quandoquidem inibi, sæpius sola
fortuna; interdum fulta consilio, vincit; hîc
semper Virtus, consilium, ingeniumq; rarò
casus, nunquam temeritas, triumphant. Cæ-
terùm, non diu regnandi ambiguus, à suffra-
gantium votis pepēdit; quem maioribus Re-
gno meritis, & Regijs Virtutibus, inter Ci-
ves eminuisse; ne dum concors Procerū Re-
gni, liberiq; Populi cōsensu; sed humani ge-
neris conscientia, Tecū asseruit evicitq;. Ita
Tu PRÆSVL, & dextro consulendi munere,
& egregio Ecclesiastici Culminis regimine,
vndiq; Optime; Optimatum Regni sententiæ
accedens, Regem Poloniæ, non poteras eli-
gere, IOANNE III. meliorem. Qui, post tot
turbulenta spatia, mitissimam Regni sortem
facturus, REX novus; prius glorioso victri-
cium armorum imperio, à finibus Patriæ, ho-
stes fortiter depellendo; metui publico, co-
ronidem ad tempus imposuit; quàm augustā
Coronam Regni capeffijt: amoribus Civium
magis, quàm Regio Insigni decorus; novis
Laureis, viam sibi stravit ad Solium. Ille
REX, Regnantium Purpura & Idea, Bella-
torum gloriā & triumphus: maximis qui-
busq; veteris & sui ævi, Imperatoribus par,
aut superior; ille acerrimus omnium, magnæ
cuiusq;

cuius
rum
bus,
eand
raret

gij p
Tuu
gore
denc
pien
nitat
gavi
loqu
vale
ratic
bita
non
Tua
ca,
iunc
med
Tan
TO
us i
SIS,
SIS;

cuiusq; Virtutis inspector & iudex: meritorum arbiter & æstimator: magna merentibus, æqualia præmia retribuere solitus; ut eandem merendi viam carpentibus, spes pareretur.

Quoties ille, non finè incredibili Regij pectoris delicio, suspexit entheum illum Tuum, pro rebus Divinis sese opponendi, vigorem; illam animosam, pia & decora suadendi, libertatem; altum æstimavit, Tua sapientissima in Senatu responsa; quæ Immunitatis Ecclesiasticæ, spiritus erant & vita: gavisus est, quoties Te, pro Ecclesia DEI loquente & sapiente; mundi sapientia prævalere non potuit; quam sæpius quoq; Fidei rationes trāsferentem, ad Politicæ praxis orbitam, levere perstringere; invictus animo, non dissimulabas. Probavit semper consilia Tua, in Rem Patriæ ideo salutaria, paci amica, discordiæ inimica; quia cum Deo coniuncta, & Divis Consultoribus; prolata in medium. Ergo fuisset illi rubori, nisi Te, Tantum PRÆSVLEM, Tantum SENATOREM, acceleraret; Tergeminis Tertius ipse, INFVLARVM, LVCEORIENSIS, PLOCENSIS, & VLADISLAVIENSIS; extollere Honoribus: quos Tu præcla-

rè rebus gestis, & gerendis; præcesseras. Atq; vt ternarium Iustitiæ titulo, erudita antiquitas insignivit; ita ille Regum Sapientissimus, sanctius Romano; quia vivum in Te, iustitiæ & pietatis asylum, advertens; triplici EMINENTIÆ EPISCOPALIS, gradu sublimare, festinavit. Hic Te verè bonum PASTOREM, exemplo Summi PASTORIS CHRISTI, pro Grege commisso pervigilem, acclinis veneror: nactus Oves in medio luporum, vtrumq; rexisti prudenter, fovisti convenienter. Sollicitus, nè oves à lupis læderentur: iugiter incubuisti bonorum operum exemplis; vt lupi agnorum mansuetudinem induerent; & in naturam ovium, felici metamorphosi verterentur: plusq; ad flectendum in melius, feroces dissidentium animos, Gedani, Thorunij, per totamq; Pomeraniam, bonis moribus valuisti; quàm alius, frustra minantibus armis; aut doctissimis cogentibus argumentis, aut severis legibus, attentare vellet: tantum effecturus, quantum in vero adamante ferrum.

Perge PRÆSUL magnanime, Laureatos insistere calles; contra hæresim Patrijs inhærentem finibus. Nam Te, mox validis eiusmodi acris militiæ, abundè instructum

rudi-

rud
ni S
spic
illis
Tua
occ
Bal
fun
falle
um
star
ritè
obr
lauc
che
sæv
opt
pos
pien
men
flic
pro
cri
dei
tra
pest
LAI

rudimentis; in ipsam hæresum Sedem, bo-
ni Superi conducent; qui tantarum sunt au-
spices Præstitesq; pugnarum. Verum prius
illis monitoribus, perspicacem Cœlestis
Tuæ industriæ pupillam, acriter intende; in
occultam Tibbarum colluviem, iam prope
Baltico littori & mænibus Dantisçi, sese in-
fundentem; parvis quidem rivulis, & magis
fallentibus venis; quia occultis: sed stygi-
um amnem, æquaturam, sulfureis Anabapti-
starum aquis; nisi ipsam originem fontemq;
ritè investigatum; in ipsis initijs obstruxeris,
obruerisq;. Hanc Tibi cælitus concessam
laudem, vt gratius Orbis suspiciat, sub pul-
cherrima imagine, proponere libet. Post
sæva persecutionum tonitrua & procellas,
optatum tranquillitatis beatæ nacta serenū;
post asperas infidelitatis hyemes, Ver inci-
piens purpureum, Vniuersalis Ecclesia: im-
mensis tandem per impiam Arii sectam, af-
flicta æumnis; gratulata est, mirâ Numinis
providentiâ, geminos sibi terrores, duo sa-
cri fulmina belli; immotas in periculosa Fi-
dei Orthodoxæ, iactatione, Columnas; con-
tra excitam imo à tartaro, Arianismi tem-
pestatem cōtigisse; ATHANASIVM & HI-
LARIVM: qvi, non sinè ingenti Orbis mira-

culo, ambo exules; áter Occidentem, alter Orientem, à ruina præcipiti continerent: vt prorsus illorum exilium, in Ecclesiæ periclitantis præsidium, ordinatum esse videatur. Non minùs hodie gloriari potest, vtriusq; gloriam & heroicam dexteritatem, pia æmulatione, in Septemtrione, per Te instaurari. Quùm æmulam nuper Arianismo, Menonistarum hæresim; latentem velut scorpio-
nis ictum, cui vis fallens in periculum; nec morsus noscitur, nisi ex tumore: scrutando in lucernis Scripturarum; mentientia lucem veritatis, opera tenebrarum; in apricum è latebris, impium tenebrionē produxisti. Tu, intricatum dolosæ doctrinæ, & in perniciem Christianæ Religionis, personato specimi ne, grassantis Labyrinthum, cæcasq; vias; Divinæ ingenio Sapientiæ, non fabuloso Ariadnes filo; penitiùs investigans, excussisti: contra novum Minotaurum Mennonem, verior Theseus: contra Chimæram hanc, Cælestis Perseus: contra tricorpore hunc Geryonem, alios Anabaptistas, ad se venientes, tertio rebaptizari docentem; Tu Divinior è Cælo Hercules comparatus.

Quidni Te, è prælijs Hæreticorum revertentem, velut suum olim HILARIVM,

Galli-

Galliarum complexa est Ecclesia; Te desiderijs icta fidelibus, Sponsa iam Tua Diocesis Cracoviensis, effusissimi amoris brachijs complectatur: tam pro aris, armatum zelo & pietate Pontificem; quam pro Patrijs focis, omnia vincente Patriæ amore, tanquam, tunicâ adamantinâ tectû; Imperatorum Prætextas, palmas & triumphos, Cataphractâ Prætorianorum Equitum Cohorte, Præfuleis ubiq; triumphante auspicijs; promerentem. Tu, si opus esset Patriæ, invicto animo præstiturus Ducem, exemplo Romano; ubi sæpe, iidem Sacrorum Pontifices, & maximi armorum Imperatores, fuere: gloriosissimi ex Turcis ad Viennam triumphi, magnam partem ad immortalitatem feres; cui hastatis Tuis Triarijs, insigne adiumentum dedisti.

Talia ac tanta, bello pæceq; perfecta facinora, suppeterent alij, ad totam famæ perennitatem; Tibi non suppetunt: cui maiora pro Fide Christi, & Libertatis Polonæ vindicijs, parantur certamina; simul augustiores victoriæ & trophæa. Non vulgaribus exercentur fatis, summi mortalium, quorum mens supernis cognata Intelligentijs, secum circumactura Orbem, & ruentium regno-

rum pondus, ne quidquàm nutantibus humeris sustentatura; desuper advenit. Qualis Tua nuper patuit, medijs Civilium dissidiorum in fluctibus, tranquilla; inter coactarum nubium fragores, densosq; nimborum crepitus, inter fulgurum minacia tela, eminens, serena, immoto, inter talia, & semper renidenti persimilis Olympo.

Post tot immortalia edita opera, revocato ad Superos, vnde in salutem populo DEI, missus fuerat? Magno JOANNE, Regum & heroum omnis ævi, facile summo: acerbam indignantium fatorum vicissitudinem, non vna voragine malorum, in perniciem nostram hiantium, sensimus. Prope erat, vt homines passim crederent, rumoribusq; ferrent; in ultionem tanti Regis, quem non satis dignè coluisse videbamus omnium adversorum Ilium, Poloniae ingruisse; cui vincendo superandoq;, non Nestores, non Achilles decem, sufficerent. Inde infensissimos ab Oriente hostes, novâ opportunitate erectos, non frustra metuebamus. Hinc vndiquaq; infidis socijs amicisq; circumdati, non erat securum; spem, fidem, opemq; in vicinitate reponere: ne quid malorum deesset, intra penetralia Regni; equus Troia-

hu-
ua-
issi-
oa-
bo-
ela,
em-
vo-
ulo
Re-
mo:
udi-
rni-
ope
ori-
uem
ium
cui
non
fissi-
nita-
Hinc
nda-
emq;
nde-
roia-
nus

nus comparuit: vnde præsidium irruenti-
bus malis parabatur, grandius periculum
extitit. Tenacissimum Reipublicæ vincu-
lum, disciplina militaris conculcata, spre-
tumq; à confæderato Milite, Ducum impe-
rium. Militaris ille furor, cuncta Regni af-
flicti Divina humanaq;, fatali quodam in-
cendio corripuit; auxitq; mala, quæ aver-
tere debuerat.

Omniū malorum apex, subito fati Re-
galis turbine, perculsa Respublica; discors,
nec sibi constans erat: infausto ambitu Re-
gnorum omnia permiscente, & bona etiam
consilia, in diversum trahente. Hinc circa
eligendum vnum, qui omnibus imperaret;
anceps opinionum pugna, solo quandoq;
vincendi studio, paratæ digladiationes; Ca-
dmeum (quod vereor dicere) certamen, &
Æmathiâ Collinâq; funestior futurus, Electro-
ralis Campus. Vos tantū ô Dij boni! aver-
tistis malorū extremum; dum partiendo vo-
ta, vnius Regni fortunā, in duos divisam esse
permisistis: vnituri eandem in AVGVSTO
II. ipso Nomine Augusti, quandam præten-
dente, ab Octavio Augusto Cæsare necessi-
tatem; turbas Civiles, non tantum mun-
dum pacandi. Tu, vox Superum fausta, in-

terpresq; Numinum placueras; qui, inter
deforme obsequium, & abruptam contuma-
ciam, dicta factaq; Principum, secus quàm
fiant, interpretandi; optimâ munitus consci-
entiâ, tam omnem, ex publicis malis occa-
sionem crescendi, fugiente; quàm olim Græ-
ciæ senes, vitabant Ledæ aspectum Hele-
næ: veri consilij libertatem, anteferens fa-
vori; qui iustitiæ & bono publico officeret:
dixisti REGEM, quem fata Deum, & libe-
ri populi suffragia, iussere.

Gaudeat ergo, suo AVGVSTO Rege
Polonia, & longa pace, quam illius auspicijs
Cœlum donavit, florens; aurea sæcula ex-
periatur Augusti. Sic tandem; Te magno
Controversiarû Disceptatore, & miro iun-
gendorum animorum artifice; compositis
feliciter Patriæ rebus, cum Serenissimo AV-
GVSTO, in præcipua Hæreseos propu-
gnacula, prospera signa infer; benedicente
INNOCENTIO XII. Pontifice Maximo,
cuius, gaudium eras & Corona. Scopulus
Orthodoxæ Fidei, rigidum Lutheranismi
caput, Capiti Orbis terrarum Vniversali,
Romæ, contrarium, Saxonia; illustribus
Tuarum Virtutum exemplis, emollita ere-
ctaq; ad Sanctæ ECCLESIAE Petram, ali-

quan-

quādo respiciat. Tu dextra Manus DEI,
tene Cor REGIS, inter Gentes Apostatri-
ces; & dirige in viam rectam, Angelus Do-
mini, quia ANTISTES. Populo duræ cer-
vicis, oppone murum aheneum, morum &
vitæ innocentiam. Ita Vaticana Potestas,
toto Orbe pollens, promptior faciliorq;,
BREVE Tibi transmittet; longum in eo
laudum Tuarum complexa ordinem pro-
pter tot heroica pro DEO & Regno faci-
nora, decernet illa, Te dignissimum, qui TI-
ARÆ PONTIFICALI, MITRAM DU-
CALEM, & Ensem cōiungas; atq; Præsule-
is culmen gloriæ munimenq; præferas in ar-
mis: Iconem HENRICI IV. Galliarū Regis,
gladio coronato, Aram subiectam, præfe-
rentem; & appositum Lemma, re vera & fa-
cto impleturus; *pro Ara & Regni custodia.* Plau-
ferit olim, non nemini Cæsarum, minimè
fucatus laudator, quâcunq; incederet; post
eius vestigia, magnificas Templorum ædes,
excitari; & æmulas Cœlo assurgere. Ævi-
ternum hoc propriæ Tuæ germanæq; laudis
pretium est, Celsissime PRINCEPS; qui
antequam Regni Metropolim, Sedemq;
Tuam, felix bonusq; adveneris; viua æter-
ni PONTIFICIS Tempia, thesaurosq; Ec-
clesiæ

clesiæ DEI veros, rarâ & singulari munificentiâ accumulare; placidum in animum induxisti: ne pauperû egenorumq; innumera multitudo, per vicos & plateas Civitatis, passim ægri iaceant, ingemiscant, langueant, infirmentur, morianturq;, providendo. Janitrix quondam Cæsarum Pontificumq; Laurus, magnis assueta triumphis, cedat potioribus Cœli ianitoribus, pijs pauperum suspirijs, quæ Te viventem videntemq; supernis favoribus æquant; utq; hac bonitate, qua nos facis felices, longævus ipse & sospes læteris; vim Cœlo inferunt, compre-
cando.

Faveant, ferventium populi votorum desideriorumq; Divi Præstites Consentesq; Cognato Nomini; alter PONTIFEX & MARTYR, alter CONFESSOR, STANISLAI: firmentq; valetudinem Tuam precibus meritiscq; suis, ut quæ digna PONTIFICATV Tuo Cracoviensi, gerenda, decrevisti opera, compleas; ac præclaris De-cessorum Tuorum gestis, Virtutis & gloriæ fastigium, laudandorum exitu moliminum imponas. Multiplex publicorum plausum acclamatio, auspiciatissimo Adventui Tuo circumsonat ô PRÆSVL! cæterum,

si acc-

sincerius candidiusq; nullum existimaveris
gaudium, quàm Almæ Studiorum Regni Pa-
rentis Academiæ: quæ cum Divo PATRI-
ARCHA suo JOANNE CANTIO, pro
Te CANCELLARIO faventissimo; solen-
nibus Votis, DEVM OPTIMUM MAXI-
MUM, bonorum Pastorum Præfulumq; Da-
torem ac Servatorem, precatur; vt Te diu
benefacere & benedicere, Ecclesiæ Patriæq;
non desinente; illi, quicumq; Reipublicæ
bono, eius fidei institutione edu-
cantur, ab eadem vivendi ratio-
nem accipiant; à Te Ipso
EXEMPLVM.

F E R A L E EXODIVM MORTIS!

En nostros plausus, expectatosq; triumphos!
solatis liberioris Eloquentiæ habenis, imponentes modum;
consonos magnæ lætitiæ,

quæ est sine modo,

Epicos dum meditatur modulos;

heu votis contraria nostris

Fata Deûm!

Amara Optimi PRÆSULIS Mors,
dulce melos, vertit in amara dolorum.

Chelym eripuit,

melodiam in naniam vertit.

Gemitum, pro cantu;
turturi SPONSÆ imperavit.
Ingressus eius, verè mandata æterna,
laudibus temperare iussere temporalibus.

*Adeo etiam, honestarum gaudia rerum,
desinunt in luctum & stuporem;
qui imperat silentium.*

Nimirum,
PRINCEPS,
etiam, in ipsa rigidæ mortis vmbra,
CELSISSIME,
Ingressus Tuus, ubiq; pacificus;
nisi, cum pro Domo Domini fulminandum erat;
Principi Pacis CHRISTO,

adeo placuit;
ut dum ADVENTVM eius in terras,
solennibus instauramus Cerimonijs;

Tu, illo vocante,
post tot gloriosos, pro tranquillitate
Ecclesiæ & Patriæ, conflictus;
ad Visionem Pacis,
longè feliciorum terreno,
INGRESSUM FACERES.
Dominicâ Primâ Adventûs

Viam uniuersæ Carnis ingressus;
in Sedem Tuam Episcopalem Cracoviensem
Primo Ingressui parentavisti;

Præclaræ Mortis celebritate;
*qua, omni mundano, etiam splendidissimo;
augustior apparatu.*

Munus Episcopale & Sacerdotale,
ipsis tremendum Angelis,
quàm dignissimè impleveris;

exitus

exitus approbavit.

quando tunc, relictis hisce Festis,
transivisti ad Consortium Angelorum.

& Hierusalem Cœlestem;

cum Angelici Ingressus
ad Metropolim Cœlestium Gratiarum

M A R I A M,

Solennitas & memoria, in Ecclesia celebratur.

Inevitabilis Fati necessitas,
aliam, in Tuo nobis luctuoso Obitu,
necessitatem causatur.

Videlicet, veram Religionem,
rectæ Politicæ adiungere prudens;
postquam in Te, Vivum,
boni Pastoris, & salutaris Patriæ Civis,
Exemplar, expresseris;
intererat æviternæ gloriæ Tuæ,
& publicæ Disciplinæ;

Iconicum bene moriendi simulacrum,

omni mortalium Conditioni reliquisse.

Placuit Conditio, quam mutare non licuit.

Protinus, in extremum cunctorum discriminum,
periculosissimum agonem, accingeris:

Omnium Sacramentorum Munimine,

& Orationis amuleto, succinctus;

contra potestatem tenebrarum,

Tibi semper vilitata,

sumpsisti arma lucis.

Alterâ manu, Christum Crucifixum,

certæ, ex hostibus Inferni victoriæ, Auspicem:

alterâ premens, Vir Apostolicus, ardentem lucernam,
tanquam omnis spei fortunæq; humanæ,

Orientem & Occidentem,

felicior Alexandro calcans;

Serenissimum Eternitatis Meridiem,

Purissimâ animi Tui crystallo, hausisti.

Nec solam voti fiduciam,
ast ipsum infallibilis fiduciæ robur ingerit,
Excellentissimus Actus Charitatis;

quo, animæ propriæ suffragia negasti,
vt suffragio carentibus animabus, impenderes;
quæ, in Purgatorio veterum malorum supplicia expendunt

Quid hoc efficacius ad salutem!

Quid certius ad beatam æternæ vitæ sortem!
quàm Charitate, pretiosissimâ Celi Margaritâ,
desertorum vndiq; ultimæ miseræ succurrere,

& sibi Cœlum emere.

Quandoquidem docente Angelico Præceptore,
quilibet Motus Charitatis, valet Regnum Celorum,

Insuper,

Romani Sapientis præceptum,
Catholico exemplo cùm impleveris;

Vivere totâ vitâ discendum est,

& totâ vitâ discendum est mori.

Ergo mansurum,

tam benè, decoreq; vivendi,

quàm bene, feliciterq; moriendi,

Exemplum;

etiam post acerba funera,

mitibus pietatis Exequiis;

DEXTER ADES.



asti,
eres;
dunt

177

ool

THOMAS

CHICAGO

FE

20

